

Broj: 18-04-309/24  
Sarajevo, 26.01.2024.god.

Na osnovu člana 4. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22) i člana 42. stav (2) alineja m) Pravila Kantonalne javne ustanove „Gerontološki centar“ Sarajevo broj: 07-1070/13 od 26.11.2013.god., broj: 13-999/19 od 15.07.2019.god. i broj: 16-1739/22 od 05.12.2022.god., Aneksa I Kolektivnog ugovora za službenike organa uprave i sudske vlasti u Federaciji Bosne i Hercegovine („Sl.novine Kantona Sarajevo“, broj: 1/24), direktor KJU „Gerontološki centar“, d o n o s i:

**O D L U K U**  
O UTVRĐIVANJU OSNOVICE ZA OBRAČUN PLAĆE RADNIKA  
KJU „GERONTOLOŠKI CENTAR“ ZA 2024. GODINU

**1.UTVRĐUJE SE** osnovica za obračun plaće zaposlenika Kantonalne javne ustanove „Gerontološki centar“ Sarajevo, za **2024. godinu**, u iznosu od **385,00 KM**.

**2.** Zaposlenicima KJU „Gerontološki centar“ Sarajevo, **osnovna plaća se povećava za 10%**, a ukoliko se osnovna plaća isplaćuje u iznosu od 70% prosječne neto plaće isplaćene u Federaciji Bosne i Hercegovine, prema posljednjem objavljenom statističkom podatku, u tom slučaju se na taj iznos vrši uvećanje plaće za 10%.

**3.** Pravo na povećanje plaće iz tačke 2. ove Odluke utvrđuje se na period od 24 mjeseca, počev od 01.01.2024. godine i traje do isteka važenja Kolektivnog ugovora, odnosno do uvećanja koeficijenata propisanih članom 8. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo, a u slučaju isteka roka važenja Kolektivnog ugovora i istovremeno nepotpisivanja novog, pravo na povećanje plaće definirano u članu 2. ove Odluke ostaje na snazi do 31.12.2025. godine.

**4.** Za realizaciju ove Odluke zadužuje se Služba materijalno-finansijskih i računovodstvenih poslova KJU „Gerontološki centar“ Sarajevo.

**5.** Ova Odluka stupa na snagu danom donošenja.

**O b r a z l o ž e n j e:**

Članom 4. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo propisano je da se osnovica plaća radnika u javnim ustanovama utvrđuje odlukom koju donosi Vlada Kantona Sarajevo, uz saglasnost sindikata ili vijeća zaposlenika, prije donošenja Budžeta i u skladu sa članom 5. stav 3. Zakona o plaćama i naknadama u organima vlasti Federacije Bosne i Hercegovine.

Članom 18. stav (2) Zakona o izvršavanju Budžeta Kantona Sarajevo za 2024. godinu („Službene novine Kantona Sarajevo“, br. 55/23) propisano je da se osnovica za obračun plaća u iznosu od 385 KM uvrđuje za budžetske korisnike kojima se plaće propisuje Zakonom o plaćama i naknadama u organima vlasti Kantona Sarajevo („Službene novine Kantona Sarajevo“, br: 5/19 i 40/22) ili njegovim eventualnim izmjenama. Stavom (3) istog člana propisano je da se osnovica za obračun plaća za ostale budžetske

korisnike utvrđuju u skladu sa potpisanim Kolektivnim ugovorima između Vlade i sindikata, Sporazumima o osnovici za obračun plaća potpisanim između Vlade i sindikata i drugim važećim propisima kojima se regulišu plaće budžetskih korisnika Kantona.

Imajući u vidu da Odluka Vlade Kantona Sarajevo o utvrđivanju osnovice za obračun plaće za 2024. godinu nije objavljena, te da nije potpisan sporazum o utvrđivanju osnovice između Vlade i Sindikata, da se u skladu sa članom 4. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22), osnovica za obračun plaće direktno veže za Budžet Kantona Sarajevo i Zakon o plaćama i naknadama u organima vlasti Federacije Bosne i Hercegovine, te u skladu s članom 5. stav 3. Zakona o plaćama i naknadama u organima vlasti Federacije Bosne i Hercegovine kojim je propisano da se utvrđivanje osnovice za obračun plaće i bodova vrši u pregovorima sa reprezentativnim sindikatom, a prije usvajanja zakona, odnosno odluke iz stava 1. ovoga člana, te ukoliko se ne postigne dogovor, Vlada FBiH, vlade kantona, odnosno gradska i opštinska vijeća će utvrditi osnovicu i bod, pri čemu visina osnovice ne može biti niža od prethodno dogovorene, odnosno važeće, to će se primjenjivati Odluka Vlade uvrštena kroz Budžet Kantona Sarajevo za 2024. godinu.

Aneksom I Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Kantona Sarajevo“, broj: 1/24), propisano je koliko, na koji način i za koji vremenski period se povećava plaća zaposlenika za službenike organa uprave i sudske vlasti u Federaciji Bosne i Hercegovine.

Imajući u vidu sve naprijed navedeno odlučeno je kao u dispozitivu.

Dostavljeno:

1x Sl.fin.rač.posl.Geront.Centra

1x Služba za pravne i opće poslove Gerontol.centra

1x a/a



DIREKTOR

Musa Mirza